

AUGLÝSING

um breytingu á deiliskipulagi íbúðabyggðar við Gilsbakka, Hvolsvelli.

Samkvæmt skipulags- og byggingarlögum nr. 73/1997 samþykkti sveitarstjórn Hvolhrepps, þann 7. október 1999, breytingu á deiliskipulagi íbúðarhúsnæðis við Gilsbakka, Hvolsvelli. Breyting deiliskipulags þessa er í því fólgin að á lóðum við Gilsbakka nr. 14 til 17 og nr. 21 til 26, samtals 10 lóðum, er skilmálum breytt á þann veg að í stað einbýlishúsa með nýtanlegu risi koma einbýlishús með lágu risi (þakhalli 14-22°).

Deiliskipulagið hefur verið kynnt Skipulagsstofnun og hlotið meðferð skv. 25. gr. skipulags- og byggingarlaga nr. 73/1997. Breytingin öðlast þegar gildi.

Hvolsvelli, 28. janúar 2000.

F.h. sveitarstjórnar Hvolhrepps,
Ágúst Ingi Ólafsson sveitarstjóri.

GJALDSKRÁ

fyrir sorphirðu í Dalvíkurbyggð.

1. gr.

Bæjarstjórn Dalvíkurbyggðar er heimilt að leggja á árlegt sorphirðugjald (sorphreinsi- og sorpeyðingargjald) í Dalvíkurbyggð samkvæmt 5. og 6. gr. samþykktar nr. 98/1993 um sorphirðu hjá Dalvíkurbæ.

2. gr.

Gjaldið skal lagt á hverja íbúð og hvert fyrirtæki í lögsagnarumdæmi Dalvíkurbyggðar. Gjaldið skal innheimt með fasteignagjöldum eða á annan hátt eftir því sem við verður komið og þá með sömu gjalddögum og fasteignagjöld.

3. gr.

Gjaldið er sem hér greinir:

A) Íbúðir	sorphirðugjald	kr.	5.500	
B) Fyrirtæki				
Flokkur 1	sorphreinsigjald	kr.	275.000	og sorpeyðingargjald kr. 110.000
Flokkur 2	sorphreinsigjald	kr.	110.000	og sorpeyðingargjald kr. 90.000
Flokkur 3	sorphirðugjald	kr.	65.000	
Flokkur 4	sorphirðugjald	kr.	45.000	
Flokkur 5	sorphirðugjald	kr.	22.000	
Flokkur 6	sorphirðugjald	kr.	11.000	
Flokkur 7	sorphirðugjald	kr.	6.000	

Bæjarstjórn skipar fyrirtækjum í flokka, m.a. eftir magni úrgangs.

Heimilt er að fella niður álagningu sorphreinsigjalds á fyrirtæki sem annast alla hreinsun og flutning sorps á förgunarstað.

4. gr.

Gjaldskrá þessi, sem samin er og samþykkt af bæjarstjórn Dalvíkurbyggðar, með heimild í 25. gr. laga nr. 7/1998 um hollustuhætti ásamt síðari breytingum, öðlast gildi við birtingu. Um leið fellur úr gildi gjaldskrá nr. 26/1999 fyrir sorphirðu í Dalvíkurbyggð.

Dalvíkurbyggð, 12. janúar 2000.

Rögvaldur Skíði Friðbjörnsson bæjarstjóri.

GJALDSKRÁ

fyrir sorphirðu í Laugardalshreppi.

1. gr.

Hreppsnefnd Laugardalshrepps er heimilt að leggja á árlegt sorphirðugjald (sorphreinsi- og sorpeyðingargjald) sem innheimta skal með fasteignagjöldum.

2. gr.

Gjaldskráin er eftirfarandi:

A. Sorpeyðing:	kr. á ári.
Íbúðarhús	4.500
Sumarhús	3.000
Atvinnurekstur	
Flokkur A:	10.000
Flokkur B:	20.000
Flokkur C:	30.000
Flokkur D:	70.000
Flokkur E:	100.000
Flokkur F:	150.000

Hreppsnefnd raðar fyrirtækjum í flokka eftir eðli og umfangi starfsemi þeirra og magni sorps.

B. Sorphreinsun:

Sótt vikulega í íbúðarhús kr. 7.000 á ári.

3. gr.

Gjaldskrá þessi sem er samþykkt af hreppsnefnd Laugardalshrepps, er sett samkvæmt samþykkt fyrir sorphirðu í Laugardalshreppi og 25. gr. laga nr. 7/1998 með síðari breytingum, um hollustuhætti og mengunarvarnir, til að öðlast þegar gildi. Frá sama tíma fellur úr gildi eldri gjaldskrá fyrir sorphirðu í Laugardalshreppi.

Laugardalshreppi, 21. janúar 2000.

Guðmundur Rafnar Valtýsson oddviti.